

ՀԱՇՎԵՏՎՈՒԹՅՈՒՆ

ՀՀ Արմավիրի մարզի Նոր Կեսարիա համայնքի ղեկավար Հ. Գալստյանի 2013թ-ի ընթացքում կատարած աշխատանքների մասին:

Հարգելի համագյուղացիներ, ավագանու անդամներ, հյուրեր Ձեզ եմ ներկայացնում 2013թ. -ի ընթացքում իմ կողմից Նոր Կեսարիա համայնքում կատարած աշխատանքների և բյուջեյի կատարման մասին հաշվետվություն:

Նոր Կեսարիա համայնքը կազմված է 260 ծխից և ունի 1600 բնակիչ:

Ղեկավարվելով “Տեղական ինքնակառավարման մասին” և “Համայնքային ծառայության մասին” Հայաստանի Հանրապետության օրենքներով, ենթաօրենսդրական ակտերով, համայնքի ավագանու և գյուղապետարանի կանոնադրությամբ և ընդունված որոշումներով համայնքի ՏԻՄ մարմինները իրենց գործունեությունը 2013թ.-ի ընթացքում հիմնականում նպատակաուղղել են համայնքի բնակչության հոգսերի և խնդիրների լուծմանը, ինչպես նաև համայնքում առկա սոցյալ տնտեսական խնդիրների որոշման և բարելավման հարցերին :

Չնայած 2013թ. -ի ընթացքում համայնքում չի ներդրվել որևէ խոշորամասշտաբ ծրագիր և համայնքին չի ցուցաբերվել համապատասխան աջակցություն համայնքում առկա հիմնախնդիրների լուծմանը, որոնք նախատեսված էին համայնքի սոցյալ-տնտեսական զարգացման քառամյա ծրագրով, այնուամենայնիվ համայնքի սուղ միջոցներով կատարվել են մի շարք աշխատանքներ, փոխվել է համայնքի ոռոգման ներտնտեսային ցանցի վթարային մասի 700 գծամետր խողովակի անցկացում , որի վրա ծախսվել է 4 500 000 /չորս միլիոն հինգ հարյուր հազար / դրամ գումար : Քարտեզագրվել է համայնքի փողոցները, անհատական բնակարաններին տրվել են հասցեներ, <<համարակալված ցուցատախտակներ >> :

Տարվա ընթացքում համայնքի բյուջեյի միջոցներից համայնքի անապահով ընտանիքներին հատկացվել է շուրջ 2 750 000 (երկու միլիոն յոթ հարյուր հիսուն հազար) դրամի օգնություն : Տարվա ընթացքում կազմակերպվել և անցկացվել է մի շարք միջոցառումներ կապված Հայոց բանակի կազմավորման, հայրենական պատերազմի և Արցախի ազատագրման, կանանց միջազգային օրվա, սեպտեմբերի 1-ին գիտելիքների օրվա կապակցությամբ տրվել են նվերներ առաջին դասարանի աշակերտներին և գերազանց սովորող աշակերտներին հուշանվերներ : Հոկտեմբերի 5-ին դպրոցում մանկավարժների օրվա կապակցությամբ տեղի ունեցավ միջոցառում , որին մասնակցեցին գյուղապետարանի աշխատակազմը: Նոր տարվա կապակցությամբ Ձմեռ պապի և Ձյունանուշի հետ միասին շրջել ենք համայնքով և նվերներ բաժանել գյուղի մանուկներին և պատերազմի վետերաններին, Արցախյան ազատամարտի մասնակիցներին տրվեց դրամական օգնություն :

Համայնքի միջոցներով կատարվում են աղբահանության աշխատանքներ և գյուղապետարանի աշխատակիցները պարբերաբար հանդիպումներ են կազմակերպում ազգաբնակչության հետ և նրանց կողմից բարձրացրած հիմնախնդիրները քննարկում ենք ավագանու հետ և փորձում ենք տալ

դրական լուծումներ: Համայնքի բյուջեյի միջոցներով գնվել է ծառայողական ավտոմեքենա , որի արժեքն է 5 000 000 /հինգ միլիոն / դրամ :

Գյուղը զագաֆիկացված է, գործում է ակումբ-գրադարանը, գործում է նաև բուժ ամբուլատորիան , չունենք միայն մսուր –մանկապարտեզ :

Մշակույթի տունը գտնվում է ոչ բարվոք վիճակում , բավարար վիճակում է գտնվում գյուղապետարանի շենքը, որում տեղակայված է գրադարանը:

Բավարար է տրանսպորտային կապը Արմավիր քաղաքի հետ ավտոբուսային երթևեկությունը իրականացվում է ամեն օր, օրը 3 անգամ , առկա է 3 առևտրի սրահներ և 2 դեղատուն և ապահովում է բնակչության առօրյա կարիքները :

Համայնքում լուրջ հիմնախնդիր է համարվում բնակչության զբաղվածության ապահովումը, գյուղում չի գործում որևէ արտադրամաս կամ աշխատանքի օբյեկտներ, որը և պատճառ է հանդիսանում երիտասարդության գյուղում չմնալուն: Տարվա ընթացքում չի կառուցվել որևէ նոր բնակարան, տարվա ընթացքում եղել է 23 ծնունդ: Գյուղում գործում է մեկ միջնակարգ դպրոց՝ թվով 193 աշակերտ, 1-ին դասարանում սովորում են 15 , իսկ ավարտական դասարանում՝ 12 աշակերտ: Դպրոցում ընդգրկված են 35 աշխատողներ: Համեմատած բարվոք վիճակում է գյուղի բուժ-ամբուլատոր կետը, որում աշխատում են 2 բուժքույրեր: Գյուղապետարանի աշխատողները բաղկացած են 13 հոգուց : Բնակչության մեծամասնությունը զբաղված է անասնապահությամբ և հողագործությամբ:

Խիստ անբարենպաստ եղավ գյուղացիների համար, մայիսի 12-ին տեղի ունեցած կարկտահարությունից հացահատիկային մշակաբույսերը և պտուղ բանջարեղենի ցանքատարածքները վնասվեցին 100 %-ով: Այդ մասին իրազեկվել է համապատասխան աստիճաններին, ստեղծվել հանձնաժողովներ, կազմվել համապատասխան ակտեր և ներկայացվել պետական մարմիններին, պատճառված վնասների հատուցման և գյուղացիներին աջակցման նպատակով: <<Լանդհաուս Արմենիա >> կազմակերպությունը կարկուտից տուժած անապահով ընտանիքներին տրամադրեցին հագուստ : Կառավարության կողմից տրամադրվեց բնակչությանը 50 հազարական դրամ օգնություն, Հիմնադրամի կողմից կարկուտից տուժած ընտանիքներն տրամադրվեց 40 հազարական դրամ: Գյուղացիների վնասը մեղմացնելու նպատակով ներկրվել է սերմացուներ և ազոտական պարարտանյութ, դիզվառելիք և տրվել է դրամական աջակցություն: Գյուղատնտեսական աշխատանքների աջակցելու նպատակով համայնք է ներկրվել 172 տոննա ազոտական պարարտանյութ և 40 տոննա դիզ. վառելիք և մատչելի գներով տրամադրվել է համայնքի ազգաբնակչությանը : Կատարվել են աշխատանքներ ոռոգման ջրի հիմնախնդիրների լուծման գործում և դրա շնորհիվ կատարվում է ոռոգման ջրի նորմալ սպասարկում : Կառավարության կողմից հատկացվել է կարկտահարված հողերին սուբսիդիա հողի հարկի և ջրի վարձավճարի հատուցում:

Ելնելով կատարված աշխատանքներից և առկա բացթողումներից հավաստիացնում են համայնքի բնակչությանը, համայնքի ավագանուն, որ 2014թ. -ի ընթացքում անհրաժեշտ միջոցներ

կձեռնարկվեն համայնքում առկա հիմնախնդիրների լուծման, սեփական եկամուտների հավաքագրման ապահովման, գյուղապետարանի աշխատակազմի աշխատանքների բարելավման և պատասխանատվության բարձրացման ուղղությամբ: Հիմնախնդիր է համարվում խմելու ջրի ջրագծերի վերանորոգման, Մսուր – մանկապարտեզի վերակառուցման և մշակույթի տան վերանորոգման հարցը:

ՆՈՐ ԿԵՍԱՐԻԱ ՀԱՄԱՅՆՔԻ ՂԵԿԱՎԱՐ



Հ. ԳԱԼՍՅԱՆ